



1215

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

Broj: 14-02-04-02043/20  
Sarajevo, Juni 18. 2021.godine

2-2-06-2021

115 04 5506-1-20

**SKUPŠTINA KANTONA SARAJEVO**  
(Na pažnju predsjedavajućeg Elvedina Okerića)

120

**PREDMET: Prijedlog za izmjenu Zaključka Skupštine Kantona Sarajevo broj: 01-04-5506-1/20 od 25.02.2020.godine, dostavlja se;**

**VEZA: Zaključak Skupštine Kantona Sarajevo broj: 01-04-5506-1/20 od 25.02.2020.godine**

Vašim aktom broj i datum veze, zaprimljen dana 06.03.2020.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo Zaključak Skupštine Kantona Sarajevo koji je donesen na osnovu inicijative zastupnice Neire Dizdarević, a koji glasi:

1. Obavezuje se Kantonalna uprava za inspekcijske poslove da intenzivira nadzore nad pravnim licima koja vrše prodaju uglja na području Kantona Sarajevo, kao i nad onim pravnim licima koja već imaju zabranu prodaje istog
2. Obavezuje se Kantonalna uprava za inspekcijske poslove da nadzore vrši na sedmičnom nivou, a kod proglašenja epizode "UZBUNA" shodno Planu interventnih mjera u slučajevima prekomjerne zagađenosti zraka u Kantonu Sarajevo ("Službene novine Kantona Sarajevo", br.: 44/19) da nadzore obavlja svakodnevno, shodno mogućnostima.
3. Obavezuje se Kantonalna uprava za inspekcijske poslove da o poduzetim nadzorima i utvrđenim činjenicama na sedmičnom nivou izvještavaju Skupštinu i Vladu Kantona Sarajevo"

Najprije ističemo da će ova uprava poduzeti sve potrebne aktivnosti, kako kvalitativno tako i kvantitativno, da se postupi po svim imperativima iz navedenog zaključka. Vezano za dosadašnje aktivnosti, inspektori Inspektorata tržišno-turističke inspekcije Kantonalne uprave za inspekcijske poslove su u periodu od 06.03.2020. godine do 04.06.2021. godine kontinuirano nadzirali primjenu Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) kod sljedećih poslovnih subjekata: Bas-dam d.o.o. Sarajevo, ulica Aleja Bosne Srebrene do broja 131, TR Ogrijev Transport, vl. Suada Pozderović, ulica Igmanska broj 93, Oganj transport d.o.o. ulica Mali Kiseljak 47, Šumarstvo Ljuta d.o.o., ulica Osik 861, Drvosječa d.o.o., ulica Bačići do 72, te su po utvrđenim nepravilnostima izdali



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

16 prekršajnih naloga i izrekli novčane kazne u iznosu 16.000,00 KM dok su uz o izdali i 22 rješenja o zabrani prodaje uglja do pribavljanja dokaza o ispunjavanju parametara kvaliteta. Navedenim Zaključkom Skupštine Kantona Sarajevo se obavezuje Kantonalna uprava za inspekcijske poslove Kantona Sarajevo da intenzivira inspekcijske nadzore nad pravnim licima koja vrše prodaju uglja na području Kantona Sarajevo, kao i nad onim pravnim licima koja već imaju zabranu prodaje istog. U vezi navedenog, a uzimajući u obzir da postoji mogućnost uočavanja fizičkih lica koji vrše prodaju uglja na području Kantona Sarajevo a da za isto ne posjeduju odobrenje nadležnog organa, Kantonalna uprava za inspekcijske nadzore predlaže da se vršenje predmetnih inspekcijskih nadzora proširi i na lica koja vrše prodaju uglja na području Kantona Sarajevo a nisu registrovana za isto.

Dakle, ističemo da su prilikom vršenja inspekcijskih nadzora nad primjenom odredbi Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) uočeni nedostaci predmetne Odluke u smislu nepropisivanja mjera i sankcija za fizička lica koja krše odredbe predmetne Odluke, a naročito u periodu pred početak i tokom sezone grijanja, ova uprava će intenzivirati inspekcijske nadzore po predmetnom pitanju te će koristeći mogućnosti iz Zakona o unutrašnjoj trgovini (Službene novine Federacije Bosne i Hercegovine broj: 40/10 i 79/17) provesti i dodatne aktivnosti na spriječavanju nelegalne prodaje uglja bez dokaza o porijeklu i kvalitetu koju bez odobrenja nadležnog organa vrše fizička lica a što je u dosadašnjem radu ove uprave primjećeno kao učestala pojava.

Također, obzirom da u periodu kada nije u toku sezona grijanja, nije evidentirana povišena koncentracija zagađujućih materija u Kantonu Sarajevo, te uzimajući u obzir da je u početnom periodu postupanja po navedenom Zaključku uočen veći broj utvrđenih nepravilnosti u radu pravnih lica koja vrše prodaju uglja na području Kantona Sarajevo u odnosu na zadnje izvršene inspekcijske nadzore, to predlažemo da se u narednom periodu inspekcijski nadzori nad subjektima koji vrše prodaju uglja na području Kantona Sarajevo ne vrše na sedmičnom nivou već da se isti vrše na mjesečnom nivou te u skladu s tim i da Kantonalna uprava za inspekcijske poslove Kantona Sarajevo na mjesečnom nivou izvještava Skupštinu i Vladu Kantona Sarajevo o poduzetim nadzorima, utvrđenim činjenicama i izrečenim mjerama.

Zaključno, ova uprava je generalno i odlučno opredjeljena za provedbu navedenog zaključka a u međuvremenu bi nam u praktičnom i proceduralnom smislu mnogo značila olakšica ukoliko bi se za početak predmetni zaključak izmijenio u dijelu da periodične izvještaje šaljemo na mjesečnom ili dvomjesečnom nivou umjesto sedmično kako sada nalaže predmetni zaključak.

S poštovanjem,

**DIREKTOR**

**AJIN MERIC**

*Dostavlja se:*

1. *Predsjedavajući Skupštine Kantona Sarajevo*
2. *Sekretar Skupštine Kantona Sarajevo*
3. *Sekretar Vlade Kantona Sarajevo*
4. *a/a*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb